

春秋取義測

春秋取義測 卷之四

膠州法坤

閔公

元年春王正月

閔何以不言即位子般卒國無嫡嗣慶父利閔之幼弱而奉之國人不順即位之禮不備故史闕其文孔子因之書春王正月不書公即位不正慶父之得立閔也

齊人救邢

伯事也外救不悉書特言之予伯者以救中國

夏六月辛酉葬我君莊公

魯君之葬皆不過五月之期惟桓公見戕于齊九月而葬昭公客死于外八月而葬莊公之薨至是十有一月而後葬君弱危不得葬也故左氏以為亂故

秋八月公及齊侯盟于落姑

請復季友也閔為慶父所立猶能盟齊侯歸季子國有人焉於以見秉禮之效當政亂時傾相與維持于不墜故齊仲孫曰周禮所以本也

季子來歸

季子之出不書非以罪去來歸稱子史詞也不
言自某歸內逆之非有所奉○朱子語類云季
子來歸夫子直書史家之詞愚謂此語乃孔子
修春秋通例惟直書史詞則義非徒託而事足
徵信苟有改易將所取亦非其義矣

冬齊仲孫來

不稱使非有成命也書來事非有專也齊仲孫
歸公曰魯可取乎對曰猶秉周禮未可則仲孫
之來覲魯也桓公伯諸侯將因人之難以為利
書來不書事以病桓也

二年春王正月齊人遷陽

齊桓假伯以為名肆其詐力滅譚滅遂降鄆遷陽坐視魯難而待其自斃故孟子曰五伯者三王之罪人也

夏五月乙酉吉禘于莊公

禘者時祭之名因時祭而即吉故不言有事言吉禘時喪制未畢祧主未遷故不于大廟于莊公春秋書之乃以譏變禮

秋八月辛丑公薨

慶父與哀姜弑之春秋之作有筆削無改易魯

三公遇弑皆稱薨杜氏謂史諱之其說是矣或
曰晉趙盾弑其君董狐大書之以視于朝孔子
稱為良史魯春秋而諱弑君之事曾董史之不
若乎曰此孔子所以取魯之春秋也諱國惡禮
也書法不隱史職也魯秉周禮故魯之春秋禮
舉而史職亦舉蓋記事之體內與外不同例凡
直書某國某人弑其君某皆魯之春秋記他國
之事則然耳至于記本國事自別有文例桓閔
二公之弑載在國史詞繁而不殺讀者屬而比
之而先君不以其道終難發于兩夫人而賊由

齊侯慶父俾聞見者具知國賊主名而獄有攸
歸所以雖諱國惡而不害其為良史也曰是則
然矣隱公之弑賊由羽父而春秋于翬無譏辭
斯獄將安歸乎曰隱事與桓閔大異賊桓者齊
襄賊閔者慶父此國史所得書也賊隱者翬而
主名實桓此國史所不得書也孔子作春秋欲
明其義而史無其文惟託乎隱以見之夫隱在
位十一年矣生稱公卒稱薨天子聘之與國朝
之同于盟會列于諸侯而薨不地葬無聞嗣隱
而立者居然桓也則隱之賊將舍桓奚責哉春

秋于桓編書正不書王見王正之有闕焉以為王者出而明正典刑當必有受其誅者不譏輦正以歸獄于桓此所謂因史策之舊文寓化裁之新意游夏所不能贊者也

九月夫人姜氏孫于邾公子慶父出奔莒

二姜與聞乎弑王法之所必誅雖殺夫殺子事若有異而正名弑君得罪于宗廟其義則同故書孫之文一施之書公子慶父出奔莒譏佚賊也

冬齊高子來盟

盟立僖公也大書齊高子來盟予其來盟也使
臣受命不受辭不言齊侯使權在高子也

十有二月狄入衛

據傳衛師敗君死經不書滅

傳例君死曰滅國存也○

書入衛不言君滅予桓公以存亡之功書城楚
丘不言封衛不予伯者以封國之權

鄭棄其師

鄭人惡高克使帥師次于河上久而弗召師潰
而歸高克奔陳高克見惡于君罪也鄭伯不以
禮進退其臣失君道矣故以棄師為文高克奔

陳不書者不足書也趙汭曰大夫出奔不書必
有關於國故而後書古者人臣有去國之義苟
無關於一國之故春秋奚治焉故特舉其重者
言之莫重於棄其師也

春秋取義測 卷之五

膠州法坤宏

僖公

元年春王正月

據傳不稱即位公出故也然則不書即位亦因
史文之舊僖因亂入國不能正即位之禮故書
法與閔並同

齊師宋師曹師次于聶北救邢

言次不及事也傳言邢人潰出奔師猶書救者
本桓公志義卒有救患之功

夏六月邢遷于夷儀齊師宋師曹師城邢
據傳諸侯城之救患也書城邢美之也

秋七月戊辰夫人姜氏薨于夷齊人以歸

夫人薨不地地故也齊桓召姜氏殺之于夷以
其尸歸我特書以歸為下夫人氏之喪至自齊
起文書法與齊人歸公孫敖之喪同譏

楚人伐鄭

莊十年荆敗蔡師于莘荆即楚也蓋稱楚者其
國通也稱人者其人通也厥後屈完來盟于師
則其臣並以名通矣楚子會諸侯于孟則其君

更以爵通矣史臣隨事變而異其文春秋錄之
著蠻夷猾夏之漸

八月公會齊侯宋公鄭伯曹伯邾人于櫟

謀救鄭也

九月公敗邾師于偃○冬十月壬午公子友帥師
敗莒師于鄆獲莒挐

邾莒均受魯賊故公敗邾師于偃公子友敗莒
師于鄆獲莒挐特書之以正孫邾奔莒之罪
十有二月丁巳夫人氏之喪至自齊

書夫人姜氏薨于夷絕之于魯也夫人氏之喪

不書姜絕之于齊也絕之魯絕之齊歸之葬之
非義矣春秋筆之乃以示譏

二年春王正月城楚丘

我城之也或我獨受功或與諸侯分功史亦記
魯事而已據傳城楚丘以封衛孔子以諸侯專
封非義也書城楚丘不書封衛明其道不計其
功也○邢遷夷儀而後諸侯城之故稱城邢楚
丘則先城之而衛後封故稱城楚丘

夏五月辛巳葬我小君哀姜○虞師晉師滅下陽
下陽號邑畿內侯封書滅比於凡伯楚丘之書

伐皆大其事之詞罪莫大於滅畿內之封邑特著之晉人造意而首虞主兵也按傳晉人以璧馬假道虞公許之且請先

秋九月齊侯宋公江人黃人盟于貫○冬十月不雨○楚人侵鄭

三年春王正月不雨○夏四月不雨

傳例云凡經時不雨告廟則書歷三時三書不雨必屢有祈禱吁雩之文史氏得據事而書若君不舉禮則史亦第如文公例自某月不雨至于某月括而書之以志災是矣故此三書不雨

非第記災比事明教也穀梁子義甚精

徐人取舒

自莊伐徐以後徐人服役中國舒楚之與國齊將伐楚使徐人取之以通徑徐為中國取舒故書法與內滅國書取同文

六月雨

歷三時不雨至是始雨也凡國有旱災雩而雨書雩以志禮雩而不雨書不雨以志災此屢雩而不雨者也書六月雨因上三不雨而終之示勤雨之義

秋齊侯宋公江人黃人會于陽穀

盟于貫脰江黃也會于陽穀謀伐楚也

冬公子友如齊涖盟

前定之盟也凡來盟曰來往盟曰莅內外詞

楚人伐鄭

四年春王正月公會齊侯宋公陳侯衛侯鄭伯許男曹伯侵蔡蔡潰遂伐楚次于陘

凡書侵伐皆罪也春秋無義戰齊桓棲諸侯以伐諸侯春秋不以所伐者楚而有恕辭書侵書潰書遂伐書次陘文事具而義自見

夏許男新臣卒

許男新臣何以名

隱八年宿男卒不名

卒于會也傳曰凡

諸侯薨于朝會葬之加一等

楚屈完來盟于師盟于名陵

錄伯功也稱來盟史內詞春秋之法內中國外
四夷屈完稱名乃止之外臣來盟我國之例不
稱使比之荆人來聘之例稱于師我在師也稱
名陵齊桓退舍以禮楚使明非于陘也不曰及
屈完盟而曰盟于名陵者外楚也猶曰諸侯盟
而完來受盟云爾

齊人執陳轅濤塗秋及江人黃人伐陳

齊及之也楚既受盟桓歸諸侯別命將及江黃
伐陳不稱齊及者蒙上省文

八月公至自伐楚○葬許穆公○冬十有二月公
孫茲帥師會齊人宋人衛人鄭人許人曹人侵陳
比書執陳轅濤塗伐陳侵陳見伯者以力服人
之效比書公子友帥師敗莒師于鄆公孫茲帥
師會諸大夫侵陳公孫敖帥師及諸侯之大夫
救徐志三桓專魯政逮大夫之始

三年春晉侯殺其世子申生

殺世子母弟目君明非有司國人之所得與君之罪也聖人以此為倫常之大變特筆之

杞伯姬來朝其子

非禮也因事志禮之變

夏公孫茲如年

內朝聘言如自桓莊以前內君臣外如各以事

書

桓以與夫人莊以納幣明譏不在朝聘也書

如不書事一始于莊二十五年公子友如陳譏

私聘也一始于僖十年公如齊譏私朝也嗣是

以為常不可勝譏於朝聘壹譏之公孫茲如年

傳云娶也經不書娶者以譏聘為義

公及齊侯宋公陳侯衛侯鄭伯許男曹伯會王世子于首止

陳氏以為禮之變也是必有國故焉以觀經文先王崩有王人于洮之盟王崩又有宰周公葵丘之會無侯考傳而可知故之在矣○齊侯不為會主故不稱公會齊侯書及以會殊之若諸侯為世子所會者尊王世子不敢與抗也

秋八月諸侯盟于首止鄭伯逃歸不盟

予首止之盟也書諸侯盟世子不盟也再書首

止會盟兩事也書公及會不書公及盟

據定四年諸侯

盟于皋鼬

殊諸侯會王世子以尊周不殊公盟

諸侯以存伯傳稱其善志謂此類惠王欲撫鄭
以從楚鄭伯逃歸不盟鄭伯雖承王命而制命
非義春秋書逃以罪之○桓文之伯功高震主
首以踐土至使世子降尊天王下勞春秋逃鄭
伯之不盟而錄陳侯之如會所以予之者亦至
矣然予之之中即寓罪之之義予首止直斥世
子降尊之事于踐土深沒天王下勞之文予奪
功罪于此具見

楚人滅弦弦子奔黃

書滅弦責伯也春秋于五伯予之深所以責之重

九月戊申朔日有食之○晉人執虞公

不言伐而言執蒙上虞晉滅下陽而終其事不書地執于虞也按傳晉滅虢還執虞公春秋特書執不書滅者重執公也以執公為義則虞滅不書以滅下陽為義則虢滅不書

六年春王正月○夏公及齊侯宋公陳侯衛侯曹伯伐鄭圍新城○秋楚人圍許諸侯遂救許

楚人圍許以救鄭經不書救與陽處父伐楚救
江異者不予楚人之救鄭也

冬公至自伐鄭

七年春齊人伐鄭○夏小邾子來朝

故鄭也自宋伐鄭後服從中國列于朝會故進
之稱子比之邾稱子之例以爵通也

鄭殺其大夫申侯○秋七月公會齊侯宋公陳世
子款鄭世子華盟于甯母

左傳齊侯修禮于諸侯諸侯官受方物

曹伯班卒○公子友如齊

書如不書事譏聘伯也易王事為伯事于是始特筆之志聘禮之變

冬葬曹昭公

八年春王正月公會王人齊侯宋公衛侯許男曹伯陳世子款盟于洮

謀王室也王人微者序乎公侯之上尊王命也不書名者啣王命監盟事名不列于載書

鄭伯乞盟

乞重詞也重是盟也背夏即夷春秋所惡逃盟乞盟備書之

夏狄伐晉

責伯也狄于中國有道則後服無道則先叛齊桓存衛救邢狄既暫息伯德衰薄未能及遠晉與狄鄰又內釁頻仍故狄復肆其侵伐

秋七月禘于大廟用致夫人

立成風為夫人也仲子惠公妾母雖天王有昭而薨葬不志考宮別祀之知不赴不祔未嘗奉為夫人也妾母之得稱夫人實自僖公成風始故于致廟特起其文焉致之云者因禘祭而尊立為夫人如後世之上尊號爾

冬十有二月丁未天王崩

九年春王正月丁丑宋公御說卒○夏公會宰周公齊侯宋子衛侯鄭伯許男曹伯于葵丘

冢宰出會為難故求助友邦也公侯在喪稱子秋七月乙酉伯姬卒

內女未適人而卒何以書許嫁也許嫁于諸侯則尊同尊同則服大功九月禮有取女卜吉日而女死之文春秋因變事著錄之

九月戊辰諸侯盟于葵丘

盟稱諸侯前目後凡也書諸侯盟宰周公不盟

也○盟首止以寧王嗣盟寡母以通王貢盟于
洮以定王位盟葵丘以明王禁皆王事之大者
特筆之

甲子晉侯詭諸卒○冬晉里克殺其君之子奚齊
其君之子云者未成為君也故不言弑而言殺
十年春王正月公如齊

朝正于伯也譏始不朝正于王也不朝正于王
而朝伯禮之大變也特筆之○周制諸侯述職
于天子有常事五年一朝有常時間于王事如
會同則相見無時而期會有地不相如也桓公

既伯挾天子令諸侯至于其國而聽命故十年
正月公如齊越五年正月公復如齊兩書公如
齊不書事以朝伯為譏也

狄滅溫溫子奔衛

溫畿內封邑其重視國書法如滅下陽之例

晉里克弑其君卓及其大夫荀息

奚齊死于喪次故稱君之子卓則既葬君而立
朝矣故稱君書及累及也○朱子語類問當初
晉獻公欲廢太子申生里克不鄭謂從君之義
不從君之惑所見甚正只是後來却做不徹曰

他倒了處便在那中立上天下無中立之事自家若排得他退便用排退他若奈何不得便用自死或曰看荀息亦有不是處曰全然不是只是辦得一死亦是難事

夏齊侯許男伐北戎○晉殺其大夫里克

里克與州吁無知同罪而春秋書法不同辭州吁無知之殺殺賊也故以討賊之辭予之里克之殺殺大夫也故不以討賊之辭予之曰然則弑君之賊亦可無討乎曰春秋以王法治羣辟者也臣弑君子弑父國有常刑不待教而罪已

著若諸侯之以庶篡嫡互相弑奪皆春秋所並
誅而不以聽者故書晉侯殺其世子申生晉里
克殺其君之子奚齊晉里克弑其君卓及其大
夫荀息晉殺其大夫里克晉侯夷吾卒而晉奚
齊卓夷吾篡奪之罪著矣書衛侯出奔齊衛侯
入于夷儀衛甯喜弑其君剽衛侯衍復歸于衛
衛殺其大夫甯喜衛侯衍卒而衛衍剽篡奪之
罪亦各著矣一君弑一君立使繼故而立者得
有所託以逃其獄則繼弑君者有遁情矣魯隱
之弑于蒍氏有討矣魯桓之弑于彭生有討矣

春秋皆削而不書者不使軌與諸兒有遁情也
卓之弑夷吾於里克有討矣剽之弑衍於甯喜
有討矣春秋皆以殺大夫書者不使夷吾衍
有遁情也

秋七月○冬大雨雪

十有一年春晉殺其大夫不鄭父

里克之黨也

夏公及夫人姜氏會齊侯于陽穀

非禮也書及以會別男女也志會禮之變

秋八月大雩○冬楚人伐黃

十有二年春王三月庚午日有食之○夏楚人滅黃

黃同盟之國以伐見告歷三時而救不至書冬楚人伐黃書夏楚人滅黃罪桓之不能救也

秋七月○冬十有二月丁丑陳侯杵臼卒

十有三年春秋侵衛

齊桓自召陵盟後楚滅弦滅黃敗徐而不能救狄伐晉滅溫侵衛侵鄭而不能邴晉連有弑君之亂而不能定方汲汲伐陳伐北戎伐厲伐莒氏滅項不務德而勤遠略伯術之所以不足道

也春秋備書其事義自見矣

夏四月葬陳宣公○公會齊侯宋公陳侯衛侯鄭伯許男曹伯于鹹○秋九月大雩○冬公子友如齊

癸丘之會桓假王禁以令諸侯故五年之內公再如齊朝正也友再如齊修聘也蓋當時伯令如此舉一魯而列國可知

十有四年春諸侯城緣陵

按傳城緣陵而遷杞焉諸侯即會鹹之諸侯備書會鹹城緣陵而不書其故其故不足書也

夏六月季姬及鄆子遇于防使鄆子來朝

志婚禮之變也鄆子逆女于防未歸鄆而季姬偕之來婚同野合故曰遇來非反馬故曰朝不言鄆季姬者不成之為夫婦也書及書使季姬之不以禮自閑鄆子之不以義制妻義亦具見秋八月辛卯沙鹿崩

書沙鹿崩為天下記異也

狄侵鄭○冬蔡侯膺卒

十有五年春王正月公如齊

再朝正於伯也

楚人伐徐○三月公會齊侯宋公陳侯衛侯鄭伯
許男曹伯盟于牡丘遂次于匡公孫敖帥師及諸
侯之大夫救徐

公孫敖書名而諸侯之大夫不序錄內略外史
例然爾春秋大書之志大夫為政之始

夏五月日有食之○秋七月齊師曹師伐厲○八
月螽○九月公至自會○季姬歸于鄆

季姬偕鄆子來值公有諸侯之事至是禮而歸
之書曰季姬歸于鄆始嫁之詞也

乙卯晦震夷伯之廟

地震不言震地天為之震夷伯之廟人致之也
傳云于是展氏有隱慝焉夷伯之廟大夫之宗
廟春秋筆之示神道之教

冬宋人伐曹

同盟始自相攻伐桓德衰矣伯事微矣

楚人敗徐于婁林

書諸侯之盟之次大夫之救徐于前書楚人敗
徐于後罪齊桓救徐之不力也於此見五伯假
之之效

十有一月壬戌晉侯及秦伯戰于韓獲晉侯

戰而被獲也國君生得曰獲不言敗晉師者據
元年友敗莒師于鄆獲莒挈舉獲君為重○此秦見春秋之
始事是年宋伐曹楚敗徐秦伯獲晉侯桓德始
衰三國之變同時俱見孔子以此為五伯迭興
之會備書之

十有六年春王正月戊申朔隕石于宋五○是月
六鷁退飛過宋都

程子曰六鷁退飛必有氣驅之也春秋所書災
異皆天人響應有致之道故石隕于宋而言
隕石夷伯之廟震而言震夷伯之廟此天應之

也

三月壬申公子季友卒

季公子友之字卒以字稱賜之氏因以為族也
春秋之初官猶尚德吾大夫公子公孫而外如
無駭挾柔溺不稱氏皆公選也自僖公以後內
外大夫之見於經無不書族氏者官人以世尚
德之風邈矣

夏四月丙申鄆季姬卒

禮始於男女春秋重之鄆季姬以遇合始不正
矣書歸書卒以正其終焉

秋七月甲子公孫茲卒○冬十有二月公會齊侯宋公陳侯衛侯鄭伯許男邢侯曹伯于淮

十有七年春齊人徐人伐英氏夏滅項

書法與滅偃陽同不言遂者伐英氏滅項皆會
淮本事非總生之事史以滅國大惡我公在會
故婉其辭為桓諱春秋之義外以諱為善

秋夫人姜氏會齊侯于卞

非禮也卞魯地齊侯東略還過魯故姜氏會之
九月公至自會

按傳會于淮謀郕且東略也伐英滅項皆東略

中事魯頌閟宮云魯侯之功遂荒徐宅淮夷率
從蓋謂此也公有諸侯之事通前十二月至今
月始歸以會淮之事告廟故書至自會不言城
鄆者齊有亂不果城而還

冬十有二月乙亥齊侯小白卒

十有八年春王正月宋公曹伯衛人邾人伐齊

按傳宋公伐齊納公子昭經不書納齊人殺無
虧經不書殺齊桓無嫡子又不早立嗣身死羣
公子爭立昭與無虧春秋莫適予也特書伐齊
義在於端本澄源為世大鑑

夏師救齊五月戊寅宋師及齊師戰于贏齊師敗績狄救齊

戰救並書取義有旨也詳觀經文桓卒九月而始葬間無他故同時集六國之兵當由國亂諸子爭立宋襄繼伯倡同盟定齊難魯不附宋各助其黨狄亦乘隙而起魯史主紀魯事故與他國以伐喪之名而居己與同志以救患之美所謂其文則史也究而論之則宋固伐齊也魯亦伐齊也狄亦伐齊也桓身為伯主死未葬內患外侮一時並起國伐師敗為天下笑所謂其事

則齊桓也聖人修春秋因史舊文並存而不削
屬其詞以其事以示伯業之可賤而諸侯伐喪
助亂之罪亦因以俱見所謂取義也

秋八月丁亥葬齊桓公○冬邢人狄人伐衛

邢棄兄弟之親從狄伐衛後卒為衛滅春秋大
書邢人狄人伐衛著邢啓寇招侮之罪狄書人
史便文爾襄五年戚之會書吳人鄫人十四年
向之會復書吳狄與邢伐衛書人二十一年狄
伐衛復書狄

十有九年春王三月宋人執滕子嬰齊

滕故宋後齊桓之伯列于同盟

莊十五年恃齊同盟于幽

而不事宋故宋人執之盟于曹南滕不與不列于諸侯也執稱嬰齊同執大夫之例

夏六月宋公曹人邾人盟于曹南

宋襄公繼伯也襄之伯事亦末矣春秋大書之予之始以責其終乃可即事而考功罪之在此春秋權衡五伯之法

鄫子會盟于邾己酉邾人執鄫子用之

鄫後于會宋使邾人執之不言宋執邾不得聽使于宋罪邾人也

秋宋人圍曹○衛人伐邢○冬會陳人蔡人楚人鄭人盟于齊

楚始與中國會盟書會我與于會也不書會者之名乃為內諱先陳蔡主會也按傳陳穆公請修好于諸侯以無忘齊桓之德春秋以此為楚主夏盟之肇端特筆之

梁亡

梁亡非有亡之者民逃其上而土為鄰有罪無所歸史故以自亡為文梁亡鄭棄其師我無加損焉正名而已矣

二十年春新作南門

書作不宜作也書新改舊也伯事興王道微列
侯僭踰禮制見於我魯禘廟卜郊新作南門卿
門兩皆在僖公之世故子家駒曰諸侯僭天子
大夫僭諸侯久矣春秋特筆之

夏郕子來朝

隱十年取郕茲復見郕子來朝者明先王建國
非諸侯所得滅取

五月乙巳西宮災

西宮寢宮其言西宮何王克棊曰禮自命士以

上父子異宮故有西東南北諸宮名衛風稱東宮之妹左傳南宮适北宮喜以宮命氏則西宮亦異宮之通稱爾春秋謹災變故書

鄭人入滑

滑同盟之國齊桓既沒中諸侯棄同即異于齊于邢之盟楚狄與焉鄭入滑楚伐隨狄侵衛春秋備志之

秋齊人狄人盟于邢○冬楚人伐隨

蠻夷相伐不志楚與中國會盟假慶告以相恐動故伐隨之文見于春秋

二十有一年春秋侵衛

邢之盟故也

宋人齊人楚人盟于鹿上

據傳宋人求諸侯于楚盟于鹿上齊言也先宋主盟也三國稱人大夫也

夏大旱

志災也

秋宋公楚子陳侯蔡侯鄭伯許男曹伯會于孟執宋公以伐宋

楚宋爭長也首宋公主會也次楚子強大相先

也楚以爵通與于內會也不言楚執宋公者分其惡于諸侯

冬公伐邾○楚人使宜申來獻捷

楚人楚子也斥曰楚人君臣同詞史略之宜申稱名接內也

十有二月癸丑公會諸侯盟于薄釋宋公

執未有言釋者特書釋以公之與盟也諸侯不序不以外主內

二十有二年春公伐邾取須句

按傳取須句反其君焉禮也春秋書取不書反

禮得及其君不得取其土也

夏宋公衛侯許男滕子伐鄭

滕子從宋伐鄭列許男下屬於宋也

秋八月丁未及邾人戰于升陞

爭須句也及不言公蒙上伐取見以須句戰也

冬十有一月己巳朔宋公及楚人戰于泓宋師敗

績

楚伐宋以救鄭不書救而書戰著楚人亂華之

罪及書宋公史內詞

二十有三年春齊侯伐宋圍緡

齊棄中夏而即蠻夷乘宋之危伐其國圍其邑
備書之罪其助楚為虐

夏五月庚寅宋公茲父卒

不書葬魯不往會也

秋楚伐陳

討其貳于宋也

冬十有一月杞子卒

卒而不名未同盟也杞前稱侯稱伯今稱子傳
以為即夷故

二十有四年春王正月○夏狄伐鄭

志狄禍也晉衛邢姬姓之國溫畿內封邑鄭尤
王室懿親狄皆得而滅伐之是諸侯無復有事
守也春秋大書狄伐鄭天王出居于鄭以志無
伯之害

秋七月○冬天王出居于鄭

天王無出辟母弟之難而出王之自絕于天也
書居于鄭如居于鄆之例不書入義不繫乎入
也

晉侯夷吾卒

夷吾繼奚卓而立者按傳以前年九月卒至是

文公定位而來告故史附於策末春秋特筆之
使爭殺篡奪之獄罪有所歸

二十有五年春王正月丙午衛侯燬滅邢

春秋無滅同姓書名之例朱子以燬為美文

夏四月癸酉衛侯燬卒○宋蕩伯姬來逆婦

姑自逆婦志失禮

宋殺其大夫

春秋書宋殺大夫四惟蕩山書名公子卬則書
官此及文七年不記名氏皆因史文之舊義繫
于殺大夫不繫于所殺之名氏也

秋楚人圍陳納頓子于頓

時頓子在陳楚故圍而納之諸侯失國諸侯納之其常也諸夏相陵假手蠻夷以市其義春秋傷變事特筆之

葬衛文公○冬十有二月癸亥公會衛子莒慶盟于洮

齊桓既沒晉文未興諸侯之盟會征伐復散而無統矣同盟無王也散盟無伯也春秋所以書也

二十有六年春王正月己未公會莒子衛甯速盟

平向○齊人侵我西鄙公追齊師至鄆弗及
書追我于濟西追齊師至鄆譏其無警備而輕
出弗及弗敢及也書之若追而弗及者史臣內
辭

夏齊人伐我北鄙○衛人伐齊○公子遂如楚乞
師

召外兵以為內患春秋特筆之書乞師始此○
比書公子遂如楚乞師帥師入杞伐邾如齊如
京師如晉為後政在大夫起本魯君失政自東
門氏始也

秋楚人滅夔以夔子歸○冬楚人伐宋圍緡○公以楚師伐齊取穀公至自伐齊

楚自戰泓以後伐陳圍陳滅夔伐宋圍宋憑陵益橫矣魯以秉禮之國助之為虐諸侯無伯害哉

二十有七年春杞子來朝

左傳杞桓公來朝用夷禮故曰子

夏六月庚寅齊侯昭卒○秋八月乙未葬齊孝公○乙巳公子遂帥師入杞○冬楚人陳侯蔡侯鄭伯許男圍宋○十有二月甲戌公會諸侯盟于宋

圍宋稱楚人君臣同誦以楚于外諸侯即圍宋之諸侯盟宋不序書法與于薄同

二十有八年春晉侯侵曹晉侯伐衛

錄伯事也侵曹伐衛原兩事春秋兩書之以伐國為重

公子買戍衛不卒戍刺之

內殺大夫曰刺魯附楚為楚戍衛既又懼晉討刺買以說于二國前書晉伐衛後書楚救衛中書公子買以戍衛見殺則刺之之故以比屬而見

楚人救衛

楚救不書書救衛錄城濮之功也晉侯伐衛以致楚楚人解圍宋之師以救衛是以有城濮之戰

三月丙午晉侯入曹執曹伯畀宋人

書畀宋人見侵曹入曹皆以宋故

夏四月己巳晉侯齊師宋師秦師及楚人戰于城濮楚師敗績

錄伯功也傳云出穀戍釋宋圍一戰而霸

楚殺其大夫得臣

戰城濮故也諸侯無專殺大夫之法雖楚無王而王法自在春秋特筆之

衛侯出奔楚

比書楚人救衛衛侯出奔楚著衛見伐之由以附楚故

五月癸丑公會晉侯齊侯宋公蔡侯鄭伯衛子莒子盟于踐土

列書諸侯而序晉侯于齊宋之上予晉以伯也衛子衛侯鄭之弟叔武晉侯逐衛侯使叔列于會攝位受盟非有王命故從未成君之例而稱

子序鄭伯之下○糾武稱子從史文也邾邾杞

滕之稱子伯皆同此例

詳桓二年滕子來朝

陳侯如會

稱如會我在會也特筆之以錄伯功

公朝于王所

朝不言所言所非其所也天王下勞晉侯公就王所而朝之春秋無諸侯朝王事惟于朝王所而見之因變事著典禮也此諸侯皆朝何以獨稱公朝踐土之諸侯主為會晉而來不為朝王春秋因魯史達王事不錄伯事也

六月衛侯鄭自楚復歸于衛

衛侯鄭稱名別二君也踐土之盟衛子列于會矣衛侯復歸而殺酈武不書殺者殊之不使同于公子瑕不以爭立之罪累酈武也酈之立晉文為之

衛元咺出奔晉

訟殺酈武也古者人臣有去國之義所謂有故而去者不事之常至於訟君而出挾大國以抗其君則非常也故特書奔以著其罪

陳侯款卒○秋杞伯姬來

書來不宜來也按伯姬莊公女莊二十五年歸
杞至是三十八年矣

公子遂如齊

書如齊不書事

據前如楚聘事也

朝聘王事公

朝王而遂如齊譏私也為下公如齊起本

冬公會晉侯齊侯宋公蔡侯鄭伯陳子莒子邾子
秦人于溫○天王狩于河陽壬申公朝于王所

王所王狩之所按傳是會也晉侯召王以諸侯
見且使王狩仲尼曰以臣召君不可以訓故書
曰天王狩于河陽蓋狩河陽晉侯召王之事天

王狩于河陽魯史所載晉告諸侯之文孔子因國史著明其義而晉文譎而不正之罪不可得而掩矣○踐土之役天王親勞晉侯春秋深沒其文據經文上書公會踐土下書公朝以見下于王所是王親至踐土而經不書勞之過賞河陽之後晉侯召王狩春秋著明其事據經文上書公會于溫下書狩河陽公朝以于王所河陽即溫地是以會溫致王狩也以示上名之當誅邵子謂五伯者功之首罪之魁惟所以處功者非其道功益高而罪益重故明于五伯之功罪斯明義矣

晉人執衛侯歸之于京師衛元咺自晉復歸于衛

志君臣之獄也晉文逐衛侯立剡武衛侯歸而
殺剡武與元咺訟不勝晉人執衛侯咺歸立公
子瑕而殺剡武事不見于春秋斯獄將何由斷
乎曰君臣無獄謂不以訟之曲直為罪而訟即
其罪書元咺奔晉書晉人執衛侯書元咺自晉
復歸于衛即所書而其罪自見不必更考其事
之曲直以為罪矣此所謂甚幽而明無傳而著
者也書自晉晉有奉焉奔大夫書復歸自咺始
諸侯遂圍許

齊桓之伯九合諸侯不以兵車伐楚之舉僅能

服之盟王人會世子猶未敢肆也晉文則一歲之中侵曹伐衛敗楚師盟踐土會溫執兩諸侯而再致天子茲又遂圍許蓋急於圖伯而為一切之計嗣是以後興權尚詐仁義充塞強者以力相雄長而吳楚進矣蓋桓伯之假以正文伯之假以譎迹若有殊而害義則均比其事以見之而伯者功罪之權衡審矣

曹伯襄復歸于曹遂會諸侯圍許

衛侯鄭復歸書自楚義繫于自楚也衛元咺復歸書自晉義繫于自晉也曹伯襄之復歸不書

自義無所繫也書遂會曹服也以錄伯功

二十有九年春介葛盧來

來必有事不書其事其事無足書也事無足書而再書其來示慎馭戎夷之道義詳介人侵蕭公至自圍許

按傳會于溫討不服也諸侯皆朝王許不至遂圍許致不書自會明圍許其本事

夏六月會王人晉人宋人齊人陳人蔡人秦人盟于翟泉

外大夫與王臣盟也稱王人王事也舉稱人皆

大夫也書會我與于會也不書會者之名諱與
王人盟也此大夫逮政之肇端特筆之○文宣
以前政在諸侯征伐會盟大夫奉君命以從事
雖齊晉伯國其臣非接我無得以名通者外大
夫盟諸侯書名自士穀始帥師伐國書名自陽
處父始

秋大雨雹○冬介葛盧來

三十年春王正月○夏狄侵齊○秋衛殺其大夫
元咺及公子瑕

公子瑕之殺書及以咺之罪累及之咺書殺而

不去其官殺不以其罪也

衛侯鄭歸于衛

前書歸自楚歸也再書歸京師歸之也以結衛侯見執案○衛之禍晉文為之主者不作而伯術興相軋以事權相誘以功利使人兄弟相殺君臣相訟極乎人倫之變者文公為之也

晉人秦人圍鄭

翟泉之盟鄭不至故

介人侵蕭

張洽曰介再來魯而次年遂侵蕭求援而後舉

兵也與荆人秦術之聘同

冬天王使宰周公來聘公子遂如京師遂如晉

列侯佐伯有功天子嘉之故有此聘上公曰公
冢宰曰宰天王使宰周公來聘以為異數特筆
之書公子遂如京師譏公之不如京師也亟于
伯而不遑于王也遂者繼事之詞貳事並舉等
伯聘于王聘聘禮之又一變也○書內臣如京
師始此

三十有一年春取濟西田

晉文既伯命及諸侯侵地濟西田不繫國吾故

田也

公子遂如晉

拜濟田之賜也貪於伯令不以義心疆界而得
非其道則亦利之而已春秋所以于濟田書取
夏四月四卜郊不從乃免牲猶三望

譏郊祀也郊祀非禮也魯人歲一舉不可勝譏
因災變以見義四卜郊不從郊之變也特筆之
曰免牲不郊也不書不郊可以不郊也望郊之
細也曰猶三望以為通可以已也

秋七月○冬杞伯姬來求婦

姑自求婦譏同蕩伯姬

狄圍衛○十有二月衛遷于帝丘

三十有二年春王正月○夏四月己丑鄭伯捷卒
○衛人侵狄秋衛人及狄盟

狄圍衛衛遷于帝丘遠其難也衛人侵狄衛人
及狄盟制其命也衛所以猶能國

冬十有二月己卯晉侯重耳卒

三十有三年春王二月秦人入滑

志我伯之害中國秦僻處西戎晉文借其力以
勝楚始與中國會盟既而啓釁于圍鄭潛謀于

入滑敗穀以還互相讐殺者五世春秋詳書之
齊侯使國歸父來聘

報公子遂之聘也時政將在大夫春秋于內外
臣之如聘備書之

夏四月辛巳晉人及姜戎敗秦于殽

晉有軍行大夫主之人謂先軫文公未葬而及
姜戎故稱人

癸巳葬晉文公○狄侵齊○公伐邾取訾婁秋公
子遂帥師伐邾○晉人敗狄于箕
卻缺獲白狄子

冬十月公如齊

譏私朝也齊桓之卒魯再伐邾乞楚師以伐齊
晉文之卒魯又再伐邾茲之如齊蓋懼晉討因
歸父之報聘通好解讎欲改事以叛晉

十有二月公至自齊乙巳公薨于小寢

譏即安也

隕霜不殺草李梅實○晉人陳人鄭人伐許

許楚與也敗狄伐許頻稱人晉之伯得人力也
時晉新遭大喪強隣環伺秦過軼狄內訌初附
之國皆視強弱為向背晉人敗穀以却秦敗箕

以翦狄伐許以抑楚三強既退齊魯諸國遂無
敢有異志者春秋大書之